

PM lawat Rohana Jalil, rakan lama MCKK

Oleh **JUANI MUNIR ABU BAKAR**
juani.bakar@mediamulia.com.my

PETALING JAYA: Datuk Seri Anwar Ibrahim meluangkan masa menziarahi penyanyi Rohana Jalil yang sedang menjalani rawatan di Hospital Canselor Tuanku Muhriz Universiti Kebangsaan Malaysia (UKM), Cheras.

Menerusi catatan Facebook beliau, Perdana Menteri berkata, Rohana sedang dirawat di unit rawatan rapi (ICU) akibat kebocoran usus dan tahap kesihatan

penyanyi lagu 'Rayuanku' itu masih dipantau pasukan perubatan.

Rohana atau nama sebenarnya Dara Abd Jalil, 68, dimasukkan ke hospital itu pada 18 April lalu.

Dalam pada itu, Anwar juga melawat rakan lamanya ketika di Kolej Melayu Kuala Kangsar (MCKK), Adzis Ismail yang sedang menjalani dialisis akibat masalah kesihatan.

"Saya mendoakan kedua-dua mereka dikurniakan aafiyah, In-sya Allah," katanya.



ANWAR Ibrahim menziarahi Rohana Jalil yang sedang menjalani rawatan akibat kebocoran usus di Hospital Canselor Tuanku Muhriz, Universiti Kebangsaan Malaysia (UKM), Cheras. - FB ANWAR IBRAHIM